

DANVEZ DA LENN
HA DA SELAOU
EVIT AR RE VIHAN

Ur gontadenn get
G.TH. ROTMAN



Ízíg

Priñsezig an dour

EILVET
LODENN

Lennet get
Daniel Doujet
hag **Anaig Lucas**



Kinniget deoc'h get
TI DOUAR ALRE
EMGLEV BRO AN ORIENT

WWW.TIDOUARALRE.COM



izig

Priñsezig an dour

Levr savet ha skeudennet get **Gerrit Theodoor Rotman** (1893-1944)

Lakaet e brezhoneg get **Roparz Hemon**, **Youenn Drezen** e 1927
ha **Loeiz Herrieu** evit an embannadur gwenedek, e 1928.

Bet embannet get GWALARN, Levrioù ar vugale Brest

Kempennet evit an embann er skritur unvan get **Daniel Doujet**,
miz Ebrel 2020.

Liv ha pajennaouiñ get **Olier Berson**.



Gellit a rit selaou doc'h ar gontadenn-mañ lennet get
Daniel Doujet hag **Anaig Lucas** àr :
www.tidouaralre.com ha www.emglevbroanorient.bzh


Kinniget deoc'h get **Ti Douar Alre** hag **Emglev Bro An Oriant**.

Eilvet lodenn >




n nebeud deizioù goude e voe dihunet Lizig get un trouzig edan he gwele. Sellet a raas, ha petra a welas ?... Ul logodennig vihan, na oa ket brasoc'h eviti.

— Me eo Lost-Hir, a grika al logodenn, é sevel un tammig ar c'hantuler a oa geti en he fav. Deus genin, mar plij, rak ma faotrig a zo klañv-bras. Ha ne ouian ket petra gober evit gwellaat dezhañ.



izig a ziskennas ag ar pod-sukr hag a yaas àr-lerc'h an Intron Lost-Hir, he c'halon é sailh un tammig en he bruched. Kaset e voe get al logodenn betek un toullig en diaz ag ar voger. Neuze eh azont a-hed ur grouizenn teñvel, ken strizh ma rankent em ruziñ. En diwezh e voe digoret un nor vihan get al logodenn, ha Lizig a welas... ur gambrig vrav ha dek gweleig enni.




unan ag ar gweleoù e oa astennet ur paotrig-logod klañv.

— Sell'ta, pegen disliv eo ! eme ar vamm-logodenn. O, pa'm behe un tammig formaj da reiñ dezhañ ! Doc'h ma lâr ar medesinour, neuze e vehe gwelloc'h doc'htu. Met gwreg ar c'hoadour a laka atav ar formaj en ur plad goloet, ha n'hellomp ket en tapout. Marteze e c'hellahes reiñ dorn deomp.

— Klask a rin, eme Lizig.

Hag eh aas d'he gwele en-dro.



n tronoz vintin, da darzh an deiz, eh aas Lizig er-maez da gaout he mignonez ar wenanenn, da c'houlenñ ali geti.

— Me 'oar petra gober, eme ar wenanenn, ur wezh ma oa bet displeget dezhi an dra. Monet a rin àr vardell ar fenestr, ha neuze, pa vo ar wreg gozh é aoziñ lein... Ma ! Gwelet a ri ar pezh a weli !



'he devoa gwreg ar c'hoadour lakaet amanenn àr ar bara ar mintin-se eh aas d'ar ganastell da gemer ar formaj. Kentizh ma oa kroget he dorn e plad ar fourmaj, e taas an Dimezell Flemm, ha yao ! ... *Krak ! krak ! krak !* setu ar plad e bruzhun àr al leurenndi.




'he dehe gouiet ar wreg gozh pezh tro a oa bet c'hoariet dezhi, he dehe dibabet ul lec'h gwelloc'h da lakaat ar formaj goude lein. Lezel a raas ar formaj dizolo ha dizi-fenn... Hag e-kreiz an noz, tiad an Intron Lost-Hir a-bezh a zaas àr ar ganastell. Pezh ur c'hofad a razont neuze ! Tammou bras a ziskolpazont doc'h ar formaj da gas gete betek o zoull.



H

a pezh un dremm chifet he devoe ar wreg pa gavas ar pezh a chome ag he formaj, an tronoz ! E-pad an noz, pa oa kousket ar c'hoadour hag e wreg, e savas Lizig hag en em silas didrouz beta Mus, he mignonig klañv. Kalz gwell e oa, bremañ m'en doa debret formaj.



-ziàr neuze eh aas Lizig da welet Mus bemnoz. Azeziñ a rae e-tal e wele, ha c'hoari pe komz getañ. Ret e oa bout àr evezh neoazh, get aon na zihunahe ar c'hoadour hag e wreg ha na zahent da ouiet.

Teirvet lodenn da zonet >